



Broj: 02-05-137/15

Fojnica: 12.03.2015. godine

Na osnovu člana 64. stav 1. tačka b. i člana 70. stav 1., 2. i 3. Zakona o javnim nabavkama („Službeni glasnik BiH“, broj: 39/14), člana 39. Statuta Općine Fojnica („Službene novine Općine Fojnica“, broj: 1/15 - Prečišćeni tekst) a u vezi preporuke Komisije za javne nabavke roba- kancelarijskog materijala, broj: 02-05-137/15 od 10.03.2015. godina, Načelnik općine donosi

ODLUKU o izboru najpovoljnijeg ponuđača

Dodjeljuje se Ugovor za javnu nabavku roba-kancelarijskog materijala za potrebe Općine Fojnica za 2015. godinu, putem konkurentskog zahtjeva za dostavu ponuda, ponuđaču „Defter“ d.o.o. Sarajevo, kao najbolje ocijenjenom ponuđaču, na osnovu kriterija najniža cijena, sa ponuđenom cijenom od 6. 372,28, sa uračunatim PDV-om.

Član 2.

Prijedlog ugovora o nabavci dostavit će se na potpis izabranom ponuđaču „Defter“ d.o.o. Sarajevo, po protoku roka od 15 dana od dana kada su svi ponuđači obaviješteni o izboru najpovoljnije ponude.

Član 3.

Za realizaciju ove Odluke zadužuje se Služba za privredu, budžet i finansije i Služba za društvene djelatnosti i stambeno komunalne poslove, svaka iz svoje nadležnosti.

Član 4.

Ova Odluka stupa na snagu danom donošenja i objavit će se na web-stranici Općine Fojnica, te istovremeno uputiti ponuđačima koji je učestvovao u postupku javne nabavke, shodno Zakonu o javnim nabavkama BiH.

Obrazloženje

Postupak javne nabavke roba-kancelarijskog materijala, proveden je putem konkurentskog zahtjeva za dostavu ponuda, za nabavku roba-kancelarijskog materijala, broj: 02- 05-137/15 od 17.02.2015. godine.

Procijenjena vrijednost javne nabavke bez PDV-a je 20. 000,00 KM.

Obavijest o nabavci broj: 546-7-1-4-3-2/15 objavljena je na portalu Javnih nabavki dana 17.02.2015. godine

Komisija za provođenje postupka javne nabavke roba-kancelarijskog materijala u 2015. godini, imenovana Rješenjem Načelnika općine, broj: 02-23-101/15 od 29.01.2015. godine, je dana 11.03.2015. godine dostavila Načelniku općine Zapisnik broj: 02-05-137/15, o ocjeni ponuda sa preporukom o izboru najboljeg ponuđača za nabavku roba-kancelarijskog materijala.

Ugovorni organ je u postupku, po dostavi Zapisnika, konstatirao da je Komisija za javne nabavke roba-kancelarijskog materijala u 2015. godini, blagovremeno i sukladno Zakonu o javnim nabavkama izvršila javno otvaranje ponuda i ocjenu prispjelih ponuda, da je utvrdila da je prispjelo ukupno pet ponuda i to od ponuđača: „R&S“ d.o.o. Vogošća; „ŽAD RMM“ d.o.o. Kiseljak; „Svjetlost - Sars“ d.o.o. Sarajevo; „Štamparija“ d.o.o. Fojnica; „Defter“ d.o.o. Sarajevo, da su sve blagovremene i prihvatljive.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranih ponuđača, računsku kontrolu ponuđenih cijena, te ocjenu prispjelih ponuda shodno kriteriju iz Tenderske dokumentacije, te tražila obrazloženje za neprirodno nisku cijenu koju su dali ponuđača: „R&S“ d.o.o. Vogošća i „Defter“ d.o.o. Sarajevo.

U postupku ocjene provedenog postupka, Načelnik općine nije našao nepravilnosti ili propuste u radu, koji bi mogli biti razlog za neprihvatanje Preporuke Komisije za javne nabavke roba. Naime utvrđeno je da je izbora najpovoljnijeg ponuđača izvršen sukladno Zakonu o javnim nabavkama i Tenderskoj dokumentaciji.

Na osnovu kriterija najniža cijena za nabavku roba-kancelarijskog materijala izabran je ponuđač „Defter“ d.o.o. Sarajevo sa ponuđenom cijenom od 6. 372,28, sa uračunatim PDV-om, dok su ostali ponuđači čije su ponude prihvatljive ponudili slijedeće cijene:

- R&S d.o.o. Vogošća sa ponuđenom cijenom od 8.063,03, sa uračunatim PDV-om;
- „ŽAD RMM“ d.o.o. Kiseljak sa ponuđenom cijenom od 19.434,47, sa uračunatim PDV-om;
- „Štamparija“ d.d. Fojnica sa ponuđenom cijenom od 21.149,15, sa uračunatim PDV-om;
- „Svjetlost - Sars“ d.o.o. Sarajevo sa ponuđenom cijenom od 29.221,45, sa uračunatim PDV-om.

Imajući u vidu gore navedeno, primjenom člana 64. stav 1. tačka b. Zakona o javnim nabavkama Bosne i Hercegovine odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, u pisanoj formi, najkasnije u roku od pet dana od dana prijema ove Odluke. Naknada za žalbu propisana je članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Dostavljeno:

- Ponuđačima 5x
- Služba za privredu, finansije i budžet
- Služba za društvene djelatnosti i stambeno komunalne poslove
- Evidencija

ⓧ A/a


NACELNIK OPĆINE

mr.sc. Salkan Merdžanić